



Određen jednomjesečni pritvor osumnjičenima u aferi 'Bosnalijek'

Potjernica za Arslanagićem

Hoće li Arslanagić danas doći u BiH, advokati tvrde da nije u bijegu

Sudija Kantonalnog suda u Sarajevu Husein Delalić odredio je jučer jednomjesečni pritvor za sedam osumnjičenih u aferi „Bosnalijek”. Pritvor je određen za Šefika Handžića, Hasana i Jasmina Šepu, Amara Arslanagića, Samira Teli-bečirevića, Aidu Selvić i Izeta Arslanagića.

Svi se oni sumnjiče za organizirani kriminal, utaju poreza, zloupotrebu službenog položaja, a na teret im se stavlja da su „Bosnalijek” te budžet FBiH oštetili za desetine miliona KM. Za prvoosumnjičenim Edinom Arslanagićem, koji se nalazi u SAD, bit će raspisana međunarodna potjernica, potvrdio je za „Avaz” sudija Delalić. Potjernica će biti raspisana i za Bojanom Kebeom, koji se nalazi u Sloveniji.

Devetorka, kako je obra-

Skupocjene slike

Amar Arslanagić, što je prezentirao na ročištu za određivanje pritvora, podnio je 22. maja ove godine zahtjev za trajno iseljenje iz države u SAD. On je prije toga podnio i zahtjev za iznošenje 30 skupocjenih umjetničkih slika, koje su prilikom pretresa njegove kuće, ali i kuće njegovog oca, pronašli SIPA i MUP KS.

zložilo Tužilaštvo KS, formirana je radi pribavljanja protivpravne imovinske koristi 2002. godine, a nezakonitosti je činila sve do 2012.

Grupom je rukovodio Edin Arslanagić, a novac je izvlačen putem firmi



Arslanagić s djelom slika

„Brštanica” u vlasništvu Hasan Šepe te „Carpe Diem” u vlasništvu Jasmina Šepe. Tako je utvrđeno da je samo devet miliona KM štete nanoseno kroz topli obrok koji je „Bosnalijek” plaćao „Brštanici”. Za prijevoz

putnika 305.000 KM, za nabavku materijala za potrebe „Bosnalijeka”, što je radila također „Brštanica”, 1,1 milion KM. Za čišćenje apartmana na Bjelašnici isplaćeno je 540.000 KM.

M. AŠČIĆ